

白河之蒸雲兮，倭中原之勁風。天霑霑以翳翳兮，白日掩而西匿。繫人生之幾何兮，汲毀譽而縈臆。

寄兒賦

正德七年秋，兒枝以離思賦來獻。予則作此寄焉，亦教之焉。

鳥來自北兮，銜章進辭。開緘覽意兮，閱爾峻思。賦曰：風嫋嫋以先秋兮，百卉敗而動容。時序莽其流易兮，塊予猶獨處此異江。地卑濕而蕪陋兮，孤悵悵而寡仇。愾直路之蓬蒿兮，綱紀壞而不修。惟彼人之嫫巧兮，謹妁約以先意。衆瀾倒而莫之支兮，昭余志之獨異。陟匡廬以凝盼兮，眺江介之孤城。山合馭以迎目。